



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

26 մարտի 2026 թվականի N 380 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2024 ԹՎԱԿԱՆԻ ՄԱՅԻՍԻ 16-Ի N 710-Լ ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2024 ԹՎԱԿԱՆԻ ՀՈՒՆԻՍԻ 14-Ի N 898-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2024 թվականի մայիսի 16-ի «Լեռնային Ղարաբաղից բռնի տեղահանված ընտանիքների բնակարանային ապահովման պետական աջակցության ծրագիրը և Հայաստանի Հանրապետության առանձին բնակավայրերի ցանկերը հաստատելու, ինչպես նաև միջգերատեսչական հանձնաժողով ստեղծելու, դրա կազմը և աշխատակարգը հաստատելու մասին» N 710-Լ որոշման մեջ կատարել հետևյալ լրացումները և փոփոխությունները.

1) N 1 հավելվածի 4-րդ կետի 3-րդ ենթակետը շարադրել հետևյալ խմբագրությամբ.

«3) 2025 թվականի հուլիսի 1-ի դրությամբ գործող հիփոթեքային վարկի, ինչպես նաև հիփոթեքային վարկի վերաֆինանսավորման նպատակով 2025 թվականի հուլիսի 1-ի դրությամբ տրամադրված՝ անշարժ գույքի գրավով սպառողական վարկի

(այսուհետ՝ գործող հիփոթեքային վարկ) մարման աջակցության հավաստագրի տրամադրում: Ընդ որում, աջակցության չափի հաշվարկման ժամանակ հիմք է ընդունվում հիփոթեքային վարկի սկզբնական մայր գումարի և վերաֆինանսավորման արդյունքում ձևավորված սպառողական վարկի մայր գումարի մնացորդներից նվազագույնը:».

2) N 1 հավելվածի 6-րդ կետից հանել «, եթե ընտանիքն առցանց դիմում-հայտարարությունը կներկայացնի և ծրագրով նախատեսված հավաստագիրը կստանա մինչև 2025 թվականի դեկտեմբերի 31-ը» բառերը.

3) N 1 հավելվածի 11-րդ կետի 2-րդ ենթակետում «N 3 հավելվածով հաստատված՝ Հայաստանի Հանրապետության առանձին բնակավայրերի ցանկում ընդգրկված» բառերը փոխարինել «N 2 հավելվածում չներառված՝ Հայաստանի Հանրապետության մնացած բոլոր մարզային» բառերով.

4) N 1 հավելվածի 11-րդ կետի 3-րդ ենթակետում «սույն որոշման 1-ին կետի 2-րդ ենթակետով հաստատված հավելվածներում չներառված՝ Հայաստանի Հանրապետության մնացած բոլոր բնակավայրերում» բառերը փոխարինել «Երևան քաղաքում» բառերով.

5) ուժը կորցրած ճանաչել N 3 հավելվածը.

6) N 4 հավելվածի 1-ին կետը «նախարարի» բառից հետո լրացնել «առաջին» բառով.

7) N 4 հավելվածը 6-րդ կետից հետո լրացնել հետևյալ բովանդակությամբ նոր՝ 7-րդ կետով.

«7. ՀՀ աշխատանքի և սոցիալական հարցերի նախարարության իրավաբանական բաժնի պետ».

8) N 5 հավելվածի 5-րդ կետի 3-րդ ենթակետում «:» կետադրական նշանը փոխարինել «.» կետադրական նշանով.

9) N 5 հավելվածի 5-րդ կետը 3-րդ ենթակետից հետո լրացնել հետևյալ բովանդակությամբ նոր՝ 4-րդ ենթակետով.

«4) եթե ծրագրին դիմած և շահառուի կարգավիճակ չստացած դիմումատուների տվյալներն առկա են Ղարաբաղի անհատական (անձնավորված) հաշվառման տվյալների բազայում կամ Հայաստանի Հանրապետության կրթության, գիտության, մշակույթի և սպորտի նախարարության կողմից վարվող՝ դպրոցների կառավարման տեղեկատվական համակարգում, որտեղ արտացոլված է տեղեկատվություն այն մասին, որ ծրագրին դիմած և շահառուի կարգավիճակ չստացած դիմումատուն 2020 թվականի սեպտեմբերի 27-ից, 2022 թվականի դեկտեմբերի 12-ից առաջ առնվազն 12 ամիսների ընթացքում աշխատել կամ սովորել է Ղարաբաղում, ապա նրան շնորհվում է շահառուի կարգավիճակ՝ անկախ սույն կետի 1-ին ենթակետի «ա» պարբերությամբ սահմանված փաստաթղթերի առկայությունից:»:

2. Հայաստանի Հանրապետության կառավարության 2024 թվականի հունիսի 14-ի «Լեռնային Ղարաբաղից բռնի տեղահանված ընտանիքների բնակարանային ապահովման պետական աջակցության ծրագրի իրականացման կարգը հաստատելու մասին» N 898-Լ որոշման հավելվածում կատարել հետևյալ փոփոխությունները.

1) 3-րդ կետի 1-ին ենթակետի «դ» պարբերության մեջ «գործող հիփոթեքային վարկի» բառերը փոխարինել «2025 թվականի հուլիսի 1-ի դրությամբ գործող հիփոթեքային վարկի, ինչպես նաև հիփոթեքային վարկի վերաֆինանսավորման նպատակով 2025 թվականի հուլիսի 1-ի դրությամբ տրամադրված՝ անշարժ գույքի գրավով սպառողական վարկի (այսուհետ՝ գործող հիփոթեքային վարկ)» բառերով.

2) 3.1-ին կետի 7-րդ ենթակետում «հաշիվ-ապրանքագրի» բառերը փոխարինել «Հայաստանի Հանրապետության հարկային օրենսգրքի 55-րդ հոդվածի 2-րդ մասի 1-5-րդ կետերով սահմանված փաստաթղթերի» բառերով:

3. Սույն որոշման 1-ին կետի 1-ին, 3-րդ և 4-րդ ենթակետերի գործողությունը տարածվում է 2024 թվականի մայիսի 16-ից ծագած հարաբերությունների վրա, ընդ որում՝ սույն որոշումն ուժի մեջ մտնելու օրվա դրությամբ հավաստագիրն իրացրած ընտանիքները կատանան ընտանիքի յուրաքանչյուր անդամի հաշվով սույն որոշման 1-ին կետի 3-րդ և 4-րդ ենթակետերից բխող աջակցության չափի տարբերությունը, որը կարող է ուղղվել ծրագրի շրջանակում շահառուին տրամադրված հավելյալ

հիփոթեքային վարկի մնացորդային մայր գումարի մարմանը կամ իրացվել ծրագրով սահմանված դրական մնացորդի իրացման ուղղություններով:

4. Սույն որոշման 2-րդ կետի 2-րդ ենթակետի գործողությունը տարածվում է 2025 թվականի հուլիսի 3-ից ծագած հարաբերությունների վրա:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան